

**F**undatore di a casa medicale di Calinzana è presidente di u Sindicatu di i duttori liberali di Corsica (CSMF), François Agostini hè un professionista attente à a situazione sanitaria in Corsica. Inde st' intervista, ci parla di i so pinseri dopu à a splosione di e cuntaminazione, di lugliu scorsu. Allora chì a statina tocca à a so fine, face un puntu di bilanciu è dà u so pare nant'à u vaghjolu.

**Lugliu hè principiatu incù parecchi « clusters » in Balagna. Cumu s'hè passatu u restu di l'estate ?**

Una volta di più, a cuntaminazione hè partuta di Balagna. Simu stati preoccupati, à u principiu, di pettu à sta crescita di l'epidemia chì tucava i giovani. Eramu in piena stagione incù l'arrivu di millaie di turisti. U circondu di Calvi è di Calinzana hà enregistratu tanti è tanti casi di covid. Certe volti, sti casi eranu gravi è anu purtatu a ghjente sin'à l'ospidale. Ci sò stati torna i covid longhi incù sintomi persistanti cum'è a perdita di u gustu è di l'odore. Avemu provatu di fà per u megliu è mi pare chì ci simu ghjunti. Simu riesciuti à impettà a cuntaminazione. È dinù, sta situazione hà permessu una crescita di a vaccinazione.

**E cuntaminazione di lugliu anu cunvintu a ghjente di fà si vaccinà ?**

Di sicuru. Ghjè l'aspettu pusitivu di a situazione. Hà rimentatu à tutti a necessità d'andà versu di u vaghjolu. A ghjente hè affacata numerosa. D'altronde, avemu vaccinat u abbastanza turisti, cunvinti da a nostra urganisazione in Balagna incù trè centri di vaccinazione. Di fattu, u risultatu hè pusitivu.

Dopu à a Balagna, a cuntaminazione hà raghjuntu tuttu u Cismonte è dopu u Pumontu. E misure sanitarie, a mascherani, e mani pulite è dopu u pass sanitariu anu permessu di cuntene u marosu è cunvintu a ghjente d'andà versu di u vaghjolu.

**Malgratu i pinseri, di lugliu scorsu, u sistema sanitariu isulanu hà tenutu u colpu ?**

Finalmente, a situazione hè stata gestita bè. U persunale medicale hà fattu tanti sforzi, una volta di più, è simu tutti stanchi assai. Per fortuna, eiu, agghju pussutu piglià qualchi vacanza ma un hè micca u casu di a maiò parte di u persunale medicale. Quist'annu, in Corsica cum'è in Cuntinente, ci hè stata una penuria di rimpiazzanti. Ma, fatta fine, i nostri sforzi anu permessu di cuntene e cuntaminazione. Ci sò state tensione inde l'ospidali di Bastia è d'Alacciu, forse ci sò sempre, ma serianu in treccia di calà.

**Oghje tempu, a malatia rincula ?**

Mi pare di sì. U percentuale di cuntaminazione hè à pena sopra à 2 % è a Corsica s'avvicina oramai di i sciffrì nazionali. Avemu avutu a paura, trà l'arrivu di i turisti è u certu ritardu vaccinale, ma a gestione hè stata bona. A ghjente hè voltata versu di e precauzione sanitarie. Inde sta pandemia, un ci hè miraculi. Nè u vaghjolu, nè a mascherina, nè a distanza, nè e mani pulite ùn facenu miraculu. Ma tutte ste misure pigliate insieme permittenu di cuntene a malatia è di pudè curà a ghjente.

A sapimu, in Corsica di statina, si passa assai cose è e reanimazione sò, di tutta manera, in tensione. I servizii di l'urgenze dinù sò concernati assai. Tutti l'anni, cunstattemu chì i letti di reanimazione ùn sò abbastanza numerosi. Nant'à quessa, u covid un hà arrangiatu nunda.

**Simu oghje a 266 000 persone vaccinate in Corsica. Ferma dunque qualchi 100 000 Corsi micca vaccinati. Cumu fà per cunvince ?**

Hè quessa u problema. Tuttu u ghjornu, circhemu à cunvince. E relazione di prossimità d'un duttore hè impurtante assai. Hè vera chì e cunsigie venute da Parigi ponu esse troppu dirette. A ghjente si pone parecchie questione è teme e conseguenze. Quessa, a pudimu sente. Ma micca e scemiti di certi. Per noi altri professionisti, ùn li pudemu septe. Certe volte, sò ancu purtate da i nostri confratelli. Oghje, incù u sviluppu di e rete sociale, ci hè ancu troppu infurmazione è omu si perde.

Un sò micca tutti capaci di sceglie trà l'infurmazione vere o false. U nostru pensieru hè qui. Proveniu tutti i ghjorni di cunvince a ghjente à risicu incù infurmazione oghjettive. A scienza, hà un sensu. Un tene micca di u miraculu o di a credenza. Parechji studi provanu ogni



## « A crisa sanitaria hè stata gestita bè »

Presidente di u sindicatu di i duttori liberali di Corsica, François Agostini rivene nant'à a situazione sanitaria di l'ultimi dui mesi in Corsica, dopu à a crescita di u variu delta in Balagna, di lugliu scorsu. U duttore di Calinzana parla di u vaghjolu, di u so mistieru in tempi di covid è di a manera di cunvince quelli ch'ùn sò ancu decisi

realità medicale.

**A rilazione di cunfianza, trà un generalistu è un malatu, ùn abbasta à cunvince di fà u vaghjolu ?**

Hè complicata. Certi credenu n'importa ch'è. Anu pigliatu infurmazione à diritta è a manca, certe volti incù grande cuntradizione. Un anu micca a capacità di distingue u veru è u falsu. Circhemu à cunvince ma, certe volti, abbandunemu a partita. Oghje, fermanu quantunque 100 000 Corsi à vaccinà. Trà elli, ci sò parsoni anziane o malate è ferma un pensieru per tutti i professionisti di salute. È frà sti professionisti di a salute, ci n'hè sempre una settantina ch'ùn sò micca vaccinati.

**À chì ne simu di e dumande di prima inghjezzione ?**

Ci hè una piccola sferenza trà u Cismonte è u suttanacciu. In Pumontu, a tidenza hè sempre progressiva allora chì qui, e dumande di prime inghjezzione calanu. Circhemu à capi perchè. A vaccinazione hè calata inde e città ma cresce sempre inde e campagne. Forse dinù chì assai giovani sò stati tocchi da u covid in Cismonte è devenu aspettà appena avanti di fà si vaccinà. Speremu, per sta rientrata, chì a vaccinazione inde i cullegi è licei rilancerà i sciffrì. L'appuntamenti ponu digià esse pigliati è e prime piccature si feranu trà u 13 è u 17 di settembre. Una campagna d'infurmazione hà da principià per i parenti.

**Cumu sentite e simane è i mesi à vene ?** Digia, a popolazione di l'isula hà da calà postu chì i turisti si ne vanu. In tarmine

di salute, hè una bona nutizia. Malgratu tuttu, ci vole à fermà prudenti. U virus circuleghja sempre è si ferà torna. Dunque, cuntinuemu u travagliu. Ci vole à avè in capu dinù chì a vaccinazione ùn vole di abbandonu di tutte l'altre misure di distanza, di mascherina, di mani pulite... Miraculi, ùn ci n'hè. Ma u vaghjolu ferma efficace, sopr'à tuttu nant'à e forme grave. Tutti i vaghjoli anu più di 80 % d'efficacità. Avemu rimarcatu dinù chì 87 % di a ghjente in reanimazione un anu micca vaghjolu. Sta verità, nimu pò di u cuntrariu. U vaghjolu prutege.

**Sta terza inghjezzione, cumu si prisenta ?**

Parleraghju piuttosto di rappellu chè di terza inghjezzione. Cumminceremu incù l'Ehpad è l'ospidali, po dopu a ghjente à risichi o di più di 65 anni. Un sapimu micca s'è stu rappellu serà accettato da a ghjente. Ci volerà à spiega chì, inde parecchie malatie virale, i rappelli sò una necessità. Di più, ci volerà à fà u vaghjolu di a gripa stagjunale. L'anu scorsu, ùn ci n'hè micca statu ma, s'hè u covid ci lascia stà quist'annu, forse l'influenza rivenerà.

INTARVISTA

Testu : Jean-François Pacelli

Ritrattu : Olivier Sanchez / Crystal Pictures

PRECISIONI

**7 DI FERRAGHJU 1960**

Nascita a Santa-Riparata di Balagna.

**1988**

Diplomatu di medicina à l'Università di Marseglia.

**1995**

Piglia a presidenza di u sindicatu di i duttori liberali di Corsica (CSMF).

**2014**

Apertura di a casa medicale di Calinzana, a prima in Corsica.

**A percezzione di u covid hà scambiatu dapoi u principiu di a crisa ?**

Sempre avà, a ghjente teme u covid. Un hè più a paura di prima, ma omu si mesfideghja quantunque. Avemu di più in più infurmazione chì anu permessu di fà si un'idea nant'à a questione. A ghjente ferma più rassicurata ma camppa sott'à a minaccia ; porta a mascherina, ùn s'abbraccia più, si prutege è prutege l'altri. Per avà, un pudimu induvinà l'avvene.